

Salamu kwa Familia ya Wilaya ya Shule ya Kaunti ya DeKalb (DCSD),

Ninatumaini kwamba walimu wetu walihisi wanapendwa na kuthaminiwa wiki iliyopita wakati wa Wiki ya Kuwathimini Walimu. Nilifurahi kuona picha zilizoshirikiwa kwenye mitandao ya kijamii ya wanafunzi wetu, wasimamizi wa shule na jamii wakiwapa walimu wetu zawadi, vyakula, vidokezo na barua za asante, na shukrani kwa jumla.

Tena, ninataka kuwashukuru walimu wetu wote kwa kila kitu wanachokifanya kwa wanafunzi na wilaya yetu. Ninatumaini kwamba tutaendelea kuonyesha upendo walimu na wafanyakazi wetu tunapofunga mwaka huu wa masomo.

Visafisha hewa

Wiki iliyopita, [ilitangazwa](#) kwamba DCSD itapokea mtambo mpya wa hali ya juu wa kusafisha hewa wa UVC kutoka Healthe, asante kwa mchango wa ukarimu kutoka kwa jamii na biashara ya Atlanta. Healthe Inc. na Operation HOPE walitoa mchango wa mitambo 100 ya paa ya Healthe AIRTM kwa DCSD.

Ninataka kushukuru Healthe, Inc. na Operation HOPE kwa mchango huu wa ukarimu. Vituo vya DCSD na idara ya operesheni hufanya kazi kila siku ili kuhakikisha majengo yetu ni safi kwa wanafunzi na wafanyakazi wetu. Mchango huu utasaidia kuimarisha juhudhi zao za kupunguza pathojeni hewani.

Wakati shule zinabadilika kwa masomo mseto, DCSD ilitekeleza matengenezo ya vifaa vyote vya HVAC, ikiwemo kusafisha na kubadilisha vichujio. Isitoshe, idara ya operesheni ilibadilisha vifaa vya HVAC kama inavyofaa ili kuongezea upitishaji hewa kulingana na CDC na mapendekezo ya sekta. Mifumo mipyä ya kusafisha hewa itaboresha mikakati ya kupunguza hatari ili kupunguza uwezekano wa kuenea kwa vijiumbe vya maradhi kama vile SARS-CoV-2, virusi vinavyosababisha COVID-19.

Habari Njema

Wiki iliyopita ilijawa na habari njema zaidi kwa wanafunzi na wafanyakazi wetu.

Tafadhali jiunge na mimi katika kumpongeza, Kalya Eades, mwandamizi anayehitimu Chuo cha Elimu cha Early College Academy cha DeKalb, kwa [kupata msaada wa masomo wa \\$5,000](#) kutoka Home Depot. Alishinda msaada huu wa masomo baada ya kuandika insha kuhusu azimio lake la sekta ya ujenzi. Kalya ni sehemu ya SkillsUSA katika Shule ya Upili ya DeKalb ya kampasi ya Teknolojia ya Kaskazini. Hongera Kalya kwa msaada huu wa ajabu wa masomo!

Kama jamii, tuwe na tumaini kwa Shule ya Kati ya Tucker wanapokuwa wakisubiri kuona kama wameshinda \$15,000 kutoka Samsung. Tayari shule imeshinda \$65,000 katika teknolojia ya

Samsung na ilitajwa mojawapo ya shule 10 Zilizofuzu za Kitaifa katika shindano la kila mwaka la 11 la Samsung [Solve for Tomorrow](#), shindano la elimu la taifa nzima ambalo linawapa changamoto wanafunzi katika gredi ya 6-12 kutumia ujuzi wa STEM (sayansi teknolojia, uhandisi, na hesabu) kushughulikia matatizo ya ndani na kuleta mabadiliko katika jamii zao. Mwezi huu, Samsung itatangaza washindi wa Tuzo la Community Choice, pamoja na \$15,000, na tunatumaini wanafunzi wetu wa ajabu katika Shule ya Kati ya Tucker watashinda!

Mwishowe, ni kwa shauku kuu kwamba ninapongeza Idara yetu ya Mawasiliano, washindi katika Tuzo za Kila Mwaka za 27 za Communicator Awards. Idara hii ilishinda [Award of Excellence for Corporate Communications-Annual Report](#) kwa kazi yake katika Ripoti ya Siku 100 za Msimamizi Cheryl Watson-Harris. Tuzo za The Communicator ndio mpango mkubwa na wenyewe ushindani zaidi wa kuthamini ubora wa ubunifu kwa watalamu wa mawasiliano. Ni ushindi wa kipekee kwa timu ya Mawasiliano na wilaya yetu. Tunashukuru kwa kutambua kazi yetu ngumu na kuthaminiwa kati ya mashirika mengine maarufu!

Wafanyakazi wa Mwaka

Wiki iliyopita, tulikuwa na fursa kuu ya kusheherekea wafanyakazi wetu wa mwaka katika hafla ndogo. Asante kwa mshirika wetu, Georgia United Credit Union, kwa zawadi yao ya ukarimu kwa wafanyakazi wetu wa mwaka. Hongera tena kwa [washindi](#) wa mwaka huu!

Wanafunzi wa Kwanza na wa Pili Kuongoza 2021

Ilifurahisha sana kusheherekea wanafunzi wetu wa kwanza na wa pili kuongoza 2020-2021 wiki iliyopita katika sherehe yetu iliyoanyika bila kutoka kwa magari! Ilikuwa vizuri kuona nyuso zenu zote na kusheherekea mafanikio yenu na wapendwa wenu. Tunajivunia nyinyi na tunatazamia kuona mambo mazuri utakayoyafanya baadaye!

Blogu ya TNTP

Ninataka kumshukuru mwanachuo wa Shule ya Upili ya Southwest DeKalb, Shanequa Yates, kwa kunihoji kwenye [blogu](#) ya Mradi wa Walimu Wapya (TNTP). Nilikuwa na nafasi ya kujadili juhudhi za wilaya za kuwawezesha wanafunzi wetu kutiwa moyo, kutimiza, na kufanikiwa. Ninamshukuru Shanequa na kazi anayofanya na TNTP, na ushirikiano wake na wilaya. Inafurahisha daima kuwaona wanafunzi wetu wa zamani wakifanikiwa.

Siku ya Kuwa Nje

Jumatano iliyopita, nilikuwa na fursa ya kuwatembelea viongozi wa shule na wanafunzi katika Shule ya Msingi ya Stone Mill, Shule ya Msingi ya Dresden na Shule ya Upili ya Cross Keys Stone.

Asante kwa kuhakikisha wanafunzi wetu wako kwenye njia ya kufanikiwa! Ninapenda kuwaona viongozi wakichukua hatua na ninatazamia kuwatemblea wengi wenu zaidi mwezi huu. Siku ya Kuwa Nje ni nafasi nzuri wa kudumisha mawasiliano ya pande mbili katika shirika hili.

Mpango wa Masomo ya Msimu wa Kiangazi wa MOSAIC

Tunapokuwa tukikaribia mwisho wa mwaka wa shule, ninataka kuwakumbusha wanafunzi, wazazi/walezi na wafanyakazi wetu wa DCSD kuhusu MOSAIC Summer Learning Program inayokuja. Mpango huu unasaidia msingi wa mafundisho wa wilaya ya shule—wanafunzi na waalimu wetu, na maudhui yanayofundishwa na kujifunza—kupitia masomo ya kufunza tena, masomo ya kasi ya juu, uboreshaji na masomo ya kihisia na kijamii.

Lengo letu ni kuwashirikisha wanafunzi wote, ikiwa ni pamoja na wanafunzi wa Kiingereza, wanafunzi wenye ulemavu na wanafunzi wenye vipawa. Kupitia masomo ya ana kwa ana, yaliyochanganywa na ya mtandaoni, wanafunzi watashiriki katika hali halisi, shirikishi na zenye manufaa, huku wakifaidika na mafundisho yanayoongozoza na mwalimu na masomo wanayojielekeza kama wanafunzi ambayo ni ya kukusudia.

Ili kujifunza mengi kuhusu Mpango wa Mafunzo ya Majira ya Joto ya MOSAIC, bofya [hapa](#).